

ader unfarende, dy er noch under om hat unverrechent von wegin seinis vordyntin lonesz wegen, dasz er Hanszen Veterhan abgedint hat.

1071.

1465 Januar 21

Petir Musserer und Molzdorf bestätigen die Vormundschaftsrechnung für die Kinder von Erhard Seytzen.

fol. 203v Petir Musserer, Molszдорff habin bekant, dasz sy vonn bete wegen Erhardt Seyctzen verlaszen erben dawey gvest seint, dasz Mertin Romer, Erasmus Preusz gnuglich güt rechnungen gethan haben von allen gutern, dy sy von Syctzen verlaszen erben, alsz or vormunde ynne ghabt haben unnde uff hute actum dysz tages gnuglich teylung iczlichem kinde gescheen ist. Doran sy denne alle Erhardt Seyctz obgnant ^avon obgnanten^a) Jocoff Seytz, Nickel Goltsmid von seins weybisz wegen unnde Nickel Austin auch von seinesz weybisz ganz alle gut gnuge volkemlich vorvillet haben, also zcu halden unnde ore vormunde obgnant unberedt unde angelanget vollen laszen. Hette sy aber ubir solcher rechnunge unnd teylung nicht gnuge, zo sollin sy sye vor unnsrem stadt gerichte fordern, ab sy^b) ichtes zcu on zcu sprechen hetten. Actum feria 2^a post Fabiani Sebatiani anno etc. LXquinto.

a-a) über die Zeile geschrieben b) folgt durchgestrichen uff

1072.

1465 Januar 21

Die Geschwister Seytz bekennen, von ihren Vormündern ihr Erbe erhalten zu haben.

fol. 203v Erhardt Seyctz, Jocoff Seyctz von oren wegen unde Nickel Goltsmid, Nickel Austin von or veyber wegen habin bekannt, dasz sy alle von Mertin Romer unde Erasmus Preusz von orin vormunde enphangen haben an orin veterlichem erbeteil iczlicher 26 ß 3 gr mit sulcher schuldt, dy on allen or swager Nickel Goltsmid schuldig ist. Actum ut supra.

1073.

1465 --

Die Stadt überlässt Peter Müller die Mittelmühle.

fol. 204r Anno etc. LXquarto. Item wir habin gelaszen Peter Mulner dy mittil mule in aller masz unnd forme, also Bartil Mulner dy obirne mul alszo